



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 422;
fax. +387 33 726 423
e – mail: info@voda.ba

Broj: **UP-1/21-3-40-230-4/25**
Datum: **11.06.2025. godine**

„Agencija za vodno područje rijeke Save“ Sarajevo rješavajući po zahtjevu pravnog lica „Terakop“ d.o.o. Živinice za donošenje rješenja o vodnoj dozvoli za ispuštanje tehnoloških otpadnih voda i aktivnosti koje mogu imati specifične uticaje na vode sa lokacije prostora pogona i postrojenja za preradu tehničkog građevinskog kamena (separacija) na lokalitetu Bezdan, naselje Gračanica, općina Živinice, na osnovu člana 139. stav (1) tačke 3. i 10. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98, 48/99 i 61/22), donosi

RJEŠENJE **o vodnoj dozvoli**

1. Pravnom licu „Terakop“ d.o.o. Živinice daje se vodna dozvola za ispuštanje tehnoloških otpadnih voda i aktivnosti koje mogu imati specifične uticaje na vode sa lokacije prostora pogona i postrojenja za preradu tehničkog građevinskog kamena (separacija), lokalitet Bezdan, naselje Gračanica, na zemljištu označenom kao k.č. broj 680/1, 680/2 K.O. Gračanica, općina Živinice.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja i utvrđenog činjeničnog stanja na objektu i pod slijedećim uslovima:
 - 3.1. Da se upotreba i korištenje predmetnih objekata vrši u skladu sa njihovom prirodom i namjenom te u skladu sa uslovima iz ove vodne dozvole.
 - 3.2. Da se objekti čija je svrha odvođenje i prečišćavanje tehnoloških otpadnih voda (tipski separatori ulja, masti i naftnih derivata, slivnici, rešetke, kanali, kanalizaciona mreža i dr.) redovno održavaju i koriste na način koji će obezbijediti njihovu potpunu ispravnost i funkcionalnost.
 - 3.3. Da korisnik predmetnih objekata, za vrijeme trajanja ove dozvole, obezbjeđuje da se tehnološke otpadne vode i oborinske onečišćene vode sa prostora pogona i postrojenja za preradu tehničkog građevinskog kamena nesmetano sakupljaju i odvede do objekta predviđenog za tretman tehnoloških otpadnih voda i oborinskih onečišćenih voda, a zatim ovako tretirane vode preko monitoring okana (mjerno mjesto E1 i E2) ispuštaju u obodni kanal nekategorisanog lokalnog puta.
 - 3.4. Da se redovno vrši monitoring prečišćene otpadne vode iz okana za monitoring shodno članu 19. i 20. Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa odredbama iste.
 - 3.5. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13, 26/14, 15/17, 23/17 i 41/20).
 - 3.6. Prečišćene otpadne vode, prije ispuštanja u recipijent, moraju ostati u maksimalno dopuštenim granicama definisanim u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20, 96/20, 1/24), a ukoliko Vlada Tuzlanskog kantona propiše dodatne (strožije) uslove za ispuštanje otpadnih voda u

površinske vode, od uslova definisanih u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste zadovoljiti.

3.7. Korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.

3.8. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).

3.9. Sadržaj (mulj) iz postrojenja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotoke i na njegove obale.

3.10. Da se istrošena ulja, nauljene krpe i sav opasan otpad koji će nastati na prostoru separacije prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.

4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.

5. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog privrednog kompleksa obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.

6. Ukoliko radom predmetnog privrednog kompleksa za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.

7. U periodu važenja ove dozvole, pravno lice je dužno provoditi sve mjere i aktivnosti propisane istom.

8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.

9. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.

10. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.

11. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice „Terakop“ d.o.o. Živinice, dana 30.05.2025. godine podnio je zahtjev za izdavanje Rješenja o vodnoj dozvoli za ispuštanje tehnoloških otpadnih voda i aktivnosti koje mogu imati specifične uticaje na vode sa lokacije prostora pogona i postrojenja za preradu tehničkog građevinskog kamena (separacija) na lokalitetu Bezdan, naselje Gračanica, općina Živinice.

U provedenom postupku dostavljena je i pregledana sljedeća dokumentacija:

- Aktuelni izvod iz sudskog registra izdat od strane Općinskog suda u Tuzli – ovjerena kopija,
- Uvjerjenje o registraciji poreznog obveznika od 04.10.2023. godine izdato od strane Kantonalnog poreznog ureda u Tuzli - ovjerena kopija,
- Uvjerjenje o registraciji/upisu u Jedinstveni registar obveznika indirektnih poreza, broj:04/1-17-1-35-456-7/11 od 10.08.2011. godine izdato od strane Uprave za indirektno-neizravno oporezivanje Banja Luka - ovjerena kopija,
- Rješenje, Up/I broj:07-18-502/00 od 02.06.2003. godine izdato od strane Federalnog ministarstva energije, rudarstva i industrije – kopija,
- Ugovor broj 94/2025 od 12.03.2025. godine potpisan sa TQM d.o.o. Lukavac – kopija,
- Ugovor broj:224/24 od 26.06.2024. godine potpisan sa „Komins“ d.o.o. Tuzla – kopija,

- Ugovor broj:426-01/24 od 29.05.2024. godine potpisan sa „Kemeko-BH“ d.o.o. Lukavac – kopija,
- Operativni plan u slučaju incidentnih zagađenja na vodama i obalnom vodnom zemljištu urađen od strane TQM d.o.o. Institut za kvalitet, standardizaciju i ekologiju Lukavac,
- Izvještaj o monitoringu kvaliteta i kvantiteta otpadnih voda, broj:7-099-1002/25 od 13.02.2025. godine urađen od strane TQM d.o.o. Lukavac – kopija,
- Transportna dokumentacija za otpadod 03.06.2024. godine – „Kemokop“ d.o.o. Tuzla – kopija,
- Prateći transportni list broj:609-04/24 od 05.06.2024. godine potpisan od strane „Kemeko-BH“ d.o.o. Lukavac – kopija,
- Rješenje o vodnoj dozvoli, broj:UP-I/25-3-40-180-5/20 od 09.06.2020. godine izdato od strane Agencije za vodno područje rijeke Save, Sarajevo – kopija,
- Račun-Otpremnica broj 552/25 od 23.05.2025. godine izdat od strane „Tesel-Prom“ d.o.o. Živinice – kopija,
- Račun broj:378-0029 od 03.06.2025. godine izdat od strane „Sputer“ d.o.o. Tuzla – kopija,
- Dokaz o uplaćenju federalnoj upravnoj pristojbi na zahtjev

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj: 31/15, 55/19, 41/20, 63/22) izvršen je uviđaj i tom prilikom sačinjen Zapisnik broj:UP-1/21-3-40-230-2/25 od 09.06.2025. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Predmetni kompleks pogona i postrojenja za preradu tehničkog građevinskog kamena - separacija tehničkog kamena, u vlasništvu preduzeća „Terakop“ d.o.o. Živinice, nalazi se u mjestu Gračanica, općina Živinice. Površina industrijskog kruga se oslanja na nekategorisani lokalni put.
- Na lokalitetu instalirani su sljedeći sadržaji: upravna zgrada, pogon separacije kamena (u funkciji je jedna drobilica i dva mlina), agregati za alternativni izvor el. energije (trenutno van funkcije), automehaničarska radionica, automehaničarski kanal, vaga, skladište ulja i maziva, priručno skladište alata, trafo stanica, mobilna cisterna goriva, ploha namijenjena za parkiranje mehanizacije.
- Obezbjedenje sanitarne vode je riješeno priključkom na lokalnu vodovodnu mrežu kojom upravlja Mjesna zajednica.
- U skladu sa zahtjevima iz Rješenja o vodnoj dozvoli pravno lice „Terakop“ d.o.o. Živinice izgrađeni sistem-hidro fazu održava u funkcionalnom stanju tj. izgrađeni sistema za prikupljanje zauljenih i zamuljenih voda sa prostora automehaničarske radionice, automehaničarskog kanala, skladišta ulja i maziva, priručnog skladišta alata, mobilne cisterne, plohe namijenjene za parkiranje mehanizacije, koje se nesmetano sakupljaju i odvođe do objekta predviđenog za tretman tehnoloških otpadnih voda - separatora ulja i masti, a zatim ovako tretirane vode preko okna za monitoring ispuštaju u recipijent - obodni kanal nekategorisanog lokalnog puta.
- Ugrađen je separatora ulja i masti kapaciteta $Q=6$ l/s, proizvođač Bor plastika d.o.o. Kneževi Vinogradi, RH. Tip separatora je BP OL-EX 6M/KF/0/AB, 2018. godina proizvodnje.
- Čišćenje separatora i zbrinjavanje opasnog otpada po ugovoru vrši „Kemeko-BH“ d.o.o. Lukavac.
- Monitoring prečišćenih otpadnih voda, po ugovoru vrši TQM d.o.o. Lukavac. U Izvještaju o monitoringu kvaliteta i kvantiteta otpadnih voda, broj:7-099-1002/25 od 13.02.2025. godine konstatovano je da nisu utvrđeni parametri koji prekoračuju dozvoljene vrijednosti propisane Uredbom o uslovima ispuštanja otpadnih voda u okoliš i sisteme javne kanalizacije te predmetni ispusti E1 i E2 zadovoljavaju propisane vrijednosti iz iste.
- Za tehnološki postupak nije potrebno obezbjedenje vode-suhi postupak. Za spiranje prašine sa radno manipulativnih površina koristi se voda iz hidrantske mreže.
- Zbrinjavanje sanitarno fekalnih voda je riješeno izgradnjom trokomorne nepropusne septičke jame, bez preliva. Njeno pražnjenje po ugovoru vrši „Komins“ d.o.o. Tuzla.
- Servisiranje mehanizacije se vrši u ovlaštenim servisima „Tesel-Prom“ d.o.o. Živinice i „Sputer“ d.o.o. Tuzla.

U prethodnom periodu od dana izdavanja rješenja o vodnoj dozvoli UP-I/25-3-40-180-5/20 od 09.06.2020. godine pravno lice „Terakop“ d.o.o. Živinice na lokaciji prostora pogona i postrojenja za preradu tehničkog građevinskog kamena (separacija) na lokalitetu Bezdan, naselje Gračanica, grad Živinice nije vršilo dogradnju sistema prikupljanja, tretmana i ispuštanja tehnoloških otpadnih voda.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa odredbama člana 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva „Terakop“ d.o.o. Živinice ispunio minimum uslova za izdavanje vodne dozvole za ispuštanje tehnoloških otpadnih voda i aktivnosti koje mogu imati specifične uticaje na vode sa lokacije prostora pogona i postrojenja za preradu tehničkog građevinskog kamena (separacija) na lokalitetu Bezdan, naselje Gračanica, općina Živinice, te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15.0 KM administrativne takse, prema tarifnom broju 3. Tarife federalnih administrativnih taksi.

Voditelj postupka:

mr.sc. Selma Merdan, dipl.inž.geol.

Po ovlaštenju
Rukovodilac sektora za izdavanje vodnih akata

Nihad Pezo, dipl.inž.građ.

Dostaviti:

-Terakop d.o.o.

Gračanica b.b. 75720 Živinice,

AVP Sava, ISV-vodna knjiga,

- sektor 50,

- sektor 40 – arhiva,

- oglasna ploča – AVP Sava